



De l'occitan per la rentrada ?

A la rentrada, dins nòstra academia, deurá i aver mai d'escolans e mai de professors d'occitan ! Segon mossur l'inspector d'academia Jan-Màri Sarpoulet, quò vai pas tant mau per l'ensenhament de l'occitan en Lemosin. De son costat, l'associacion Òc-Bi espera que lo rectorat de Limòtges 'chabarà per tener sos engatjaments.

En Lemosin, qu'es dire dins l'academia de Limòtges, l'annada escolara passada, per lo prumier còp, dos professors pogueren segre la formacion "ENSENHAR Professor.a" coordonada per l'OPLO (Ofici public de la lenga occitana) : Catarina Garrie, professora de tecnologia au collègi d'Alaçac, e Gilles Menant, regent a l'escòla d'Aiént, doas comunas de Corresa. Lo dispausitiu "ENSENHAR", finançat en granda partida per l'OPLO, serv a formar los professors que volen far la classa en francés e en occitan. Mas ujan, pen candidat segrá 'quela formacion dins l'academia de Limòtges, mai si l'i avia dos enshaires de Cruesa interessats. Qu'es que dins la Convention signada en 2017 per l'Academia de Limòtges, l'i a pas marcat negre sus blanc que lo personau educatiu de la Cruesa ne'n pòt beneficiar ! Qu'es a ren li comprendre que la Cruesa fai pertant bien partida de l'academia de Limòtges ! Autre exemple balhat per lo Fabien Pedegert-Saliou, charjat de mission de l'associacion Òc-Bi Lemosin-Perigòrd-47 : "Per pas contranhar lo director academic de la Corresa, lo rectorat manca a un de sos engatjaments : dreibir 'na filiera bilingua francés-occitan (12h en francés e 12h en occitan) a l'escòla d'Aiént". L'i aura un dispausitiu d'ensenhament renforçat, mas pas de classa bilingua. Pertant la merariá a balhat son consent, los escolans e los parents son motivats e un professor a estat format (lo Gilles Menant).

Tot 'quò balha l'impression que 'quò avança gaire dins l'academia de Limòtges, comparat a d'autres academias coma Montpelhièr o Bordeu, per exemple. Dempuei 2017 e la signatura d'una «Convention particulara per lo desvelopament



Foto d'archiva de la Calandreta, l'escòla occitana de Limòtges, dins son nuevu locau de la via dau Generau René Chambe.

e l'estructuracion de l'ensenhament de l'occitan dins l'academia de Limòtges», p'un objectiu a estat tengut, rencura l'associacion Òc-Bi. «Per exemple, la dubertura d'un cursus bilingüe era prevuda a Selhac e a Briva, qu'es totjorn pas començat.»

Un pauc mai d'escolans en occitan

A la rentrada, au mens 140 escolans deurian far de l'occitan dins l'academia de Limòtges, qu'era 134 l'annada escolara passada. Quò es miers, mesma si qu'es luenh de 2019, quante l'i avia 220 pitits occitanistas, mas qu'era avant la Covid e la refòrma dau collègi.

Jan-Màri Sarpoulet, inspector pedagogic d'occitan, aima mielhs veire lo gobelet a meitat plen : «Au bachelierat, l'occitan es totjorn una opcion facultativa, mas dempuei la refòrma, pòt èsser maitot una espròva d'especialitat, 'quò fai qu'entre un tierç e un quart daus punts dau bac poden èsser obtenguts mercés a l'occitan.» E 'queu que fuguet lo professor d'occitan en liceu e a l'Universitat de Bor-

deu de 'nar pus luenh : «Parcoursup es fach per los estudiants que volen persegre l'occitan dins l'ensenhament superior, e actualament i a pas pro d'estudiants en occitan. Au jorn d'aüei, 'ribem pas a cubrir los pòstes au concors de recrutament de professors dins las escòlas.» Lo messatge es passat : si avetz enveja d'ensenhar l'occitan, l'i a de las plaças a prener, mas beleu pas dins l'academia de Limòtges...

Un nuevu programa

Per l'ensenhament de l'occitan, daus programas existen dempuei 1988, mas Gabriel Attal, quante fuguet ministre de l'educacion, demandet de tornar escriure los programas de lengas. Jan-Màri Sarpoulet precisa que 'queu trabalh se fai en integrar tots los dialectes, dau Lemosin e d'alhors : «Qu'es una richèssa de poder eschamnar sus 'quelas questions». Dau temps de lur cursus, tots los escolans d'occitan trabalharan sus las principalas variantas de l'occitan, lo lemosin compres. Quò sira en plaça a la rentrada que ven.

De l'occitan pour la rentrée ?

À la rentrée, il devrait y avoir davantage d'élèves et de professeurs d'occitan dans notre académie ! Selon l'inspecteur d'académie Jean-Marie Sarpoulet, la situation de l'enseignement de l'occitan en Limousin ne se porte pas si mal. De son côté, l'associacion Òc-Bi espère que le rectorat de Limoges finira par tenir ses engagements.

En Limousin, donc dans l'académie de Limoges, l'année scolaire dernière, pour la première fois, deux enseignants ont pu suivre la formation « ENSENHAR Professor.a » coordonnée par l'OPLO (Office public de la langue occitane) : Catherine Garrie, professeure de technologie au collège d'Allasac, et Gilles Menant, instituteur à l'école d'Ayen, deux communes de Corrèze. Le dispositif « Ensenhar », financé en grande partie par l'OPLO, sert à former les enseignants qui souhaitent faire la classe en français et en occitan. Mais cette année, aucun candidat ne suivra cette formation dans l'académie de Limoges, alors qu'il y avait pourtant deux enseignants de Creuse intéressés.

C'est que dans la Convention signée en 2017 par l'Académie de Limoges, il n'est pas précisé clairement que le personnel éducatif de la Creuse peut y participer. Chose incompréhensible, car la Convention s'applique à l'académie de Limoges, et la Creuse en fait bien partie. Un autre exemple donné par Fabien Pédegert-Saliou, chargé de mission pour l'associacion Òc-Bi Limousin-Périgord-47

« Pour ne pas contrarier le directeur académique de la Corrèze, le rectorat de Limoges manque à l'un de ses engagements : ouvrir une filière bilingue français-occitan (12 h en français et 12 h en occitan) à l'école d'Ayen ». Il y aura un dispositif d'enseignement renforcé, mais pas de classe bilingue, pourtant la mairie est d'accord, les élèves et les parents sont motivés, et un enseignant a été formé (Gilles Menant).

Tout cela renforce le sentiment que ça n'avance guère dans l'académie de Limoges, comparé à d'autres académies comme Montpellier ou Bordeaux, par exemple. Depuis 2017 et la signature d'une



Photo d'archiva de la Calandreta, l'école occitane de Limoges, dans ses nouveaux locaux de la rue du General-René-Chambe..

« Convention particulière pour le développement et la structuration de l'enseignement de l'occitan dans l'Académie de Limoges », aucun objectif n'a été atteint, regrette l'associacion Òc-Bi. « Par exemple, l'ouverture d'un cursus bilingue à Seilhac et Brive était prévue, mais cela n'a toujours pas commencé ».

Un peu plus d'élèves occitanistes

Pour cette rentrée, au moins 140 élèves devraient suivre des cours d'occitan dans l'académie de Limoges, contre 134 l'année scolaire passée. C'est mieux, même si c'est loin de 2019, quand il y avait 220 jeunes occitanistes, mais la Covid et la réforme du collège sont passées par là.

Jean-Marie Sarpoulet, inspecteur pédagogique d'occitan, préfère voir le verre à moitié plein.

« Au baccalauréat, l'occitan est toujours une option facultative, mais depuis la réforme, il peut aussi être une épreuve de spécialité, ce qui signifie qu'entre un tiers et un quart des points du bac peuvent être obtenus grâce à l'occitan ».

Et celui qui fut professeur d'occitan au lycée et à l'Université de Bordeaux d'ajouter « *Parcoursup* est conçu pour les étudiants qui veulent poursuivre l'occitan dans l'enseignement supérieur, et actuellement, il y a un manque d'étudiants en occitan. À ce jour, on n'arrive pas à couvrir les postes au concours de recrutement de professeurs des écoles ».

Le message est clair : si vous avez envie d'enseigner l'occitan, il y a des places à prendre, mais peut-être pas dans l'académie de Limoges...

Un nouveau programme

Pour l'enseignement de l'occitan, des programmes existent depuis 1988, mais Gabriel Attal, lorsqu'il était ministre de l'Éducation, a demandé de réécrire les programmes de langues. Jean-Marie Sarpoulet précise que ce travail se fait en intégrant tous les dialectes, du Limousin et d'ailleurs : «C'est une richesse de pouvoir échanger sur ces questions». Pendant leur cursus, tous les élèves travailleront sur les principales variantes de l'occitan, y compris le limousin. Cela sera en place pour la prochaine rentrée.